

## SAMOA

Faatulagaina o Aiaiga

1. Igoa puupuu ma le amataga
2. Teuteuga o le Fuaiupu 1
3. Teuteuga o le Faamatalaga 2

---

**2013, Nu. 16**

**O SE TULAFONO e teuteu ai le Tulafono o Lafoga o Tupe Maua 2012.** *[25 Iuni 2013]*

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga-**(1) E mafai ona taua leni Tulafono o le Tulafono o Teuteuga o le Tulafono o Lafoga o Tupe Maua 2013, ma e tatau ona faitauina faatasi ma avea ma vaega o le Tulafono o Lafoga o Tupe Maua 2012 ('Tulafono Autu').

(2) O leni Tulafono e amata faamamaluina i le aso 1 Ianuari 2013.

**2. Teuteuga o le Fuaiupu 1** - I le tuanai ai o le fuaiupu 1(3) o le Tulafono Autu, ia faaofi le:

“(4) E ese mai i le faafuaiupu (3):

- (a) o parakalafa (1)(v) ma le (w) o le Vaega A(1) o le Faamatalaga 2 ua avea e faapea ua faaaogāina i le tausaga faale-tupe maua e amata mai i le aso 1 Ianuari 2010, ma ona o lea itu ua faamamaluina mai ai i le taimi ua tuanai; ma
- (b) o parakalafa (1)(x) ma le (y) o le Vaega A(1) o le Faamatalaga 2 ua avea e faapea ua faaaogāina i le tausaga faale-tupe maua e amata mai i le aso 1 Ianuari 2008 (faatasi ai ma le faamamaluina mai le taimi ua tuanai) ma faaiuina i le aso 31 Tesema 2012.”.

**3. Teuteuga o le Faamatalaga 2** - Mo le Vaega A(1) o le Faamatalaga 2 o le Tulafono Autu:

- (a) i le faaiuga o le parakalafa (u), ia aveese le piriota ma suia i le semikolona; ma
- (b) i le tuanai ai o le parakalafa (u), ia faaofi e faapea:

- “(v) o le tupe maua a le Faaputugatupe Teufaafaigaluega o Mavaega Tausi a Samoa, le Kamupani o le Unit Trust (Management) Limited po o so o se isi lala o le Faaputugatupe Teufaafaigaluega o Mavaega Tausi a Samoa;
- (w) o le tupe maua ua maua mai i faaputugatupe o tupe teufaafaigaluega ua umia e se tagata e toatasi i totonu o le Faaputugatupe Teufaafaigaluega o Mavaega Tausi a Samoa, e aofia ai so o se tupe mama ua maua mai le faatauina atu o ia faaputugatupe e le tagata e toatasi;

- (x) o tupe maua a le Kamupani o le Virgin Samoa Limited;
- (y) o tupe maua mai sea i le Kamupani o le Virgin Samoa Limited, o lo o umia e se tagata e le o se tagata nofomau.”.

---

**O le Tulafono o Teuteuga o le Tulafono o Lafoga o Tupe Maua  
2013 o lo o faafoeina e le Matagaluega mo Tupe Maua.**

**Lolomiina e le Failautusi o le Fono Aoa o Faitulafono,  
i le pule a le Fono Aoa o Faitulafono.**